

2003ko laugarren hiruhilekoan, ezkontza zibil gehiago izan ziren 2002ko aldi berean baino

Ezkontzen guztizkoa, aldiz, apur bat jaitsi zen.

Hiruhileko honetan, ezkontza zibilak gehitu egin ziren aurreko urteko aldi beraren aldean eta 2002ko 953tik 2003ko 1.014ra pasa ziren, Eustaten datuen arabera. Normalean urteko azken hilabete horietan (%47,9) udakoetan (%28,5) baino ezkontza zibil gehiago izaten da eta udakoetan ospatzen dira urte guztiko 10 ezkontzatik 4. Ezkontzen guztizkoa, oster, jaitsi egin zen apur bat.

2003ko laugarren hiruhileko horretako 2.117 ezkontzetan, bizilekua Euskal Autonomia Erkidegoan duten 2.042 gizonezko eta 2.092 emakumezko ezkondu ziren. Horietatik 1.877 senarrentzat (%91), lehen ezkontza izan zen; 20 alargun eta 145 dibortziatu, aldiz, berriro ezkondu ziren. Lehen ezkontza zuten emakumeen ehunekoa gizonezkoena baino zertxobait altuagoa izan zen: aurretik ezkongabeak ziren emakumeak 1.939 (%92,7) izan ziren; alargunak, 13; eta dibortziatuak, 140.

Ezkontzak ezkontideek eztei-egunean zuten adinaren arabera banatuz gero, 2003ko laugarren hiruhilekoan, senarren artean, %71k 30 urtetik gora zituzten; emazteen artean, berriz, %54,1ek. Proportzio horiek altuagoak dira aurreko urteko hiruhileko berekoak baino.


Euskal AEko egoiliarren ezkontzak 9.867 izan ziren eta hemendik kanpo egindako ezkontzen datuen faltan, 79 ezkontza gehiago izan ziren aurreko urtean baino. Ezkontza zibilen proportzioa 2002koa baino altuagoa izan zen eta guztizkoaren %38,4 hartu zuen.

Aurrera doa, beraz, ezkontzeko adina atzeratzeko joera; 2003 urtean senarren %66 eta emazteen %47 30 urte edo gehiagorekin ezkondu ziren eta aurreko urtean baino ehuneko altuagoak izan ziren.

	2003ko 4. hiruhilekoa		Aurreko hiruhilekoa (2003ko 3. hiruhilekoa)		Aurreko urteko hiruh. bera (2002ko 4. hiruhilekoa)	
	kop.	%	kop.	%	kop.	%
EZKONTZAK	2.117	100,0	3.510	100,0	2.132	100,0
Kanonikoak	1.103	52,1	2.508	71,5	1.179	55,3
Zibilak	1.014	47,9	1.002	28,5	953	44,7
SENARGIAK	2.042	100,0	3.386	100,0	2.035	100,0
Ezkongabeak	1.877	91,9	3.224	95,2	1.892	93,0
Alargunak	20	1,0	22	0,6	19	0,9
Dibortziatuak	145	7,1	140	4,1	124	6,1
EMAZTEGAIK	2.092	100,0	3.467	100,0	2.100	100,0
Ezkongabeak	1.939	92,7	3.310	95,5	1.956	93,1
Alargunak	13	0,6	10	0,3	9	0,4
Dibortziatuak	140	6,7	147	4,2	135	6,4

Iturria: EUSTAT

1. grafikoa: Ezkontzen hilez hileko mugimenduak



Iturria: EUSTAT

oinarria 100= b. b.

Argibide gehiagorako:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945 01 75 00 Faxe: +34-945 01 75 01 E-maila: eustat@eustat.es

Harremanetarako pertsona: Martín González Hernández

Tel.: 49-945 01 75 49. Faxe: +34-945 01 75 01

Prentsa-oharrak Interneten: www.eustat.es